

CII

Dise büß was hie vor in der alten ee. Nun haben die künig ein an
ders gesetzt. Unrechter leüt büß geend bider leüt selten. vnd ist
doch darumb büß gesetzt das alle die leüt fride füllen habē. vnd
die richter ir büß.

¶ Ob ein weib vō irē mañ geschēde wirt.
¶ Wirt ein weib geschēde vō irē mañ mit recht sy behaltet doch
ir leib geding dz er ir gab zū irē leib an seinē eigē vnd an be. w. w.
sy zū im bracht dz füret sy auch von im ob es da ist. Bracht sy va
rendes güt zū im. das sol sy mit im fürē. Ist es verlorē das sy das
bewerē mag als recht ist. so müß mañ es geltē. Lehē mag ei frau
haben nach ires mānes tod. ob do kein lehē erb ist. Wie aber das
müg geschehen. das vmdt mañ an dem lehen büch.

¶ Von eehafften dingen.

¶ Nieman ist für seinē knecht schuldig ze antwurtē. mañ als verr
sein lon reicht. er werde dan sein bürg williglich. Verreibet der
herr seinē knecht. er sol im lonen vnd den lone gar geben. Engeet
aber der knecht seinē herren von eigem mütwillē. er sol dē herren
als vil gebē als er im gelobet hēt ze geben. Vnd hat er im des lo
nes icht gebē. das sol er dē herrē zwifalt geltē.

¶ Von dem landt sitten.

¶ Ein yeghlich mañ der auß einē landt in dz ander köpt. vnd wil er
vor gerichtē recht nemē vmb ei güt das in dē landt ligt. er müß ne
men recht nach des lands recht. vnd nit nach seines landes recht.

¶ Von dem zimß güt merck also

¶ Versetzet ein mañ vmb zimß sein güt vō iare ze iare. stirbt er dar
nach. seine erbē füllen es steet haltē. Versetzt er sein hūb vā stirbet
darnach. seine erben halten es stet ob sy wellē. Man mañ soll den
baumā mit scheidē vō dē güt. ee dan zū der liechtneß. dz ist recht.

¶ Wie mañ eines newen dorffes beginnet.

¶ Da mañ eines dorffes begint mit newem bau. da mag der herre
des erdtreichs wol gelt oder zimß abuorderē. also das den bauleit
ten halbs koren bleibt vnd dē priester der zehend. Vnd welche
recht andere dorffer habent. das sol es auch haben.

¶ Von dem dorff gericht merck hie nach.

¶ Vñ ist ein dorff darin ein richter ist. was der setzet mit der me
reren mengin des dorffs frömen. das mag der minder teil der bau
ren nit wider redē. dz selb recht sol mañ auch habē in dē stettē. Ge
liche dorffer bey dē wasser ligēt. vnd die ein fürschlacht oder einē
Grabē soltē machē dz in dz wasser icht schadē thūe. des füllēt helf
fen alle dorffer. vñ alle die leüt zū dē mā sich versicht. dz in dz was
ser geschadē müg ob es auß geet. Vñ wer des nit thūt. dē sol der